

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Predstavnički dom
Klub poslanika PD
Mješoviti klub poslanika
Mješoviti klub zastupnika



БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
Представнички дом
Клуб посланика ПД
Мјешовити клуб посланика

Broj: PD-113/25
Sarajevo, 3. 3. 2025.

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
N/R PREDSEDavajućeg

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 03-03-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	572/25	

800

PREDMET: Poslaničko pitanje u pisanoj formi

U skladu s članom 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22, 59/2, 87/23 i 50/24) postavljam poslaničko pitanje predsjedniku Nezavisnog odbora kao nezavisno tijelo policijske strukture Bosne i Hercegovine, koje glasi:

“Koje radnje i mjere je poduzeo Nezavisni odbor kao nezavisno tijelo Parlamentarne skupštine Bosne i Hercegovine u skladu s nadležnostima iz člana 3. stav (1) tačka c), d) i e) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj: 36/08) kako bi utvrdio sljedeće:

1. U kojem svojstvu, na osnovu kojih nadležnosti, s kojom svrhom i ciljem je direktor Državne agencije za istrage i zaštitu Bosne i Hercegovine Darko Ćulum prisustvovao sastanku sa predsjednikom entiteta Republika Srpska Miloradom Dodikom koji je održan 2. marta 2025. godine u Banja Luci, u okolnostima koje su nastupile nakon što je Narodna skupština Republike Srpske na 18. posebnoj sjednici, koja je održana 27. 2. 2025. godine, usvojila protivustavne zakone kojima se propisuje neprimjenjivanje i neizvršavanje zakona i zabranjuje djelovanje i rad najviših institucija Bosne i Hercegovine: Suda Bosne i Hercegovine, Tužilaštva Bosne i Hercegovine, Visokog sudskog i tužilačkog vijeća Bosne i Hercegovine i Državne agencije za istrage i zaštitu Bosne i Hercegovine?

2. Da li je direktor Darko Ćulum prisustvujući sastanku kojeg su organizirale osobe koje su saučesnici u pripremi, organiziranju i podstrekavanju usvajanja protivustavnih zakona od strane Narodne skupštine Republike Srpske, a kojima se zabranjuje djelovanje i rad Državne agencije za istrage i zaštitu Bosne i Hercegovine na području Republike Srpske, prekoračio dužnosti i odgovornosti iz člana 7., stav (5) tačka d) i člana 8. Zakona o državnoj agenciji za istrage i zaštitu („Službeni glasnik BiH“, broj: 27/04, 63/04, 35/05, 49/09 i 40/12), te da li je izvršio težu povredu službene dužnosti iz člana 105. Zakona o policijskim službenicima („Službeni glasnik BiH“, broj: 27/04, 63/04, 5/06, 58/06, 18/08, 50/08, 63/08, 35/09, 7/12 i 42/18) sa fokusom na tačke 1., 6., 7., 9., 23. i 25., stava (1) navedenog člana?”

Budući da su mediji u Bosni i Hercegovini izvjestili javnost da je 2. marta tekuće godine u Banja Luci održan sastanak predsjednika entiteta Republika Srpska Milorada Dodika, predsjedavajuće Predsjedništva Bosne i Hercegovine Željke Cvijanović, predsjednika Vlade Republike Srpske Radovana Miškovića sa ministrom unutrašnjih poslova Republike Srpske Sinišom Karanom i rukovodiocima policijskih tijela i agencija na nivou Bosne i Hercegovine: direktorom Državne agencije za istrage i zaštitu Darkom Čulumom, direktorom Službe za poslove sa strancima Žarkom Laketom, zamjenikom generalnog direktora Obavještajno-sigurnosne agencije Bosne i Hercegovine Ristom Zarićem, zamjenikom direktora Direkcije za koordinaciju policijskih tijela Goranom Amidžićem i pomoćnikom direktora Granične policije Bosne i Hercegovine Veljkom Lazićem, to pretpostavljam da vam je navedena informacija poznata, te da ste po službenoj dužnosti u skladu s članovima 14., 15. i 16. Poslovnika o radu ("Službeni glasnik BiH", broj 12/09) pokrenuli postupke i radnje radi utvrđivanja svih okolnosti, činjeničnog stanja i odgovornosti.

Ukoliko niste pozivam vas da to hitno učinite, te tražim da mi u najkraćem roku odgovorite na postavljena pitanja.


S poštovanjem,

Priloga: 1)

Dostavljeno:

1. Naslovu,
2. a/a.

POSLANIK
PREDSTAVNIČKOG DOMA



Jasmin Emrić

PRILOG:

HOĆE LI POPUSTITI?

Dodik se sastao s rukovodiocima MUP-a RS-a i državnih agencija: Pozivu se odazvao i direktor SIPA-e Darko Ćulum



Pisac: B. H.
12 sati

170

komentara

265

dijeljenja



Foto: Dean Laketa/Plenar

12 sati



U Banjoj Luci se održava sastanak predsjednika entiteta Republika Srpska Milorada Dodika i predsjedavajuće Predsjedništva Bosne i Hercegovine Željke Cvijanović sa rukovodiocima Ministarstva unutrašnjih poslova RS-a i sigurnosnih agencija na nivou BiH.

Sastanku prisustvuju i predsjednik Vlade RS-a Radovan Višković, ministar unutrašnjih poslova RS-a Siniša Karan sa rukovodiocima MUP-a, ministar finansija RS-a Zora Vidović, direktor Agencije za istrage i zaštitu (SIPA) BiH Darko Ćulum i direktor Službe za poslove sa strancima BiH Žarko Laketa.

Podsjećamo, Narodna skupština RS-a usvojila je 27. februara Prijedlog zakona o neprimjenjivanju zakona i zabrani djelovanja vanustavnih institucija BiH koji predviđa zabranu rada i postupanja Suda BiH, Tužilaštva BiH, Državne agencije za istrage i zaštitu (SIPA), te Visokog sudskog i tužilačkog vijeća BiH u RS-u.

Prisutni su također i zamjenik direktora OSA-e Risto Zarić, zamjenik direktora Direkcije za koordinaciju policijskih tijela Goran Amidžić, kao i Veljko Lazić, pomoćnik direktora Granične policije BiH.



CHCD

@SNSDDodik · Follow



У току је састанак предсједника
@MiloradDodik и српског члана и
предсједавајуће Предсједништва
Жељке Цвијановић са руководиоцима
Министарства унутрашњих послова
Републике Српске и безбједносних
агенција на нивоу БиХ.



11:39 AM · Mar 2, 2025



48



Reply



Copy link

Read 7 replies